

Sullitanut akiliisinnaanermi ajornartorsiortunut paasissutissat

Akiliisinnaanermi ajornartorsiorneq – qanoq iliussavit?

Akiliisinnaanermi ajornartorsiuteqaruit, qanoq iliorsinnaanerit pillugu siunnersuutitsialaat arlallit ataani allattorsimapput, kiisalu tamanna ilinnut qanoq kinguneqarsinnaanersoq.

Akiliisinnaanermi ajornartorsiutitut pissutsit assigiinngitsorpasuuksinnaapput, assersuutigalugu avinneq, napparsimaneq, suliffeerunneq, sippuilluni atuineq il.il. Akiligassavit akilernissaat ajornakusoortikkukku, sapinngisamik piaarnerpaamik Grønlandsbanken attavigissavat, taamaasilluni aningaaserivup suleqatigalutit pisoq iliuseqarfiginissaanut ikiorsinnaavaatit, kiisalu periarfissannik misissueqatigalutit.

Siunnersortitta sungiusimavaat sullitanik, aningaasaqarnerminnik ataatsimut isiginninnissamut ikiorneqarnissamut pisariaqartitsisunik oqaloqatiginnittarneq, arlalitsigullu periarfissat nammineq immaqa eqqarsaatigisimanngisatit takusinnaalissavatit.

Siullertut isumassarsiatialsalaassaaq aningaasaqarnivit ataatsimut isiginissaa. Taamaaliorsinnaavutit missingersuusiornikkut, tamatumani qaammammut aningaasartuutit isertitatillu tamaasa allattornerisigut. Missingersuutinni aningaasartuutit ataasiakkaat misissussallugit aamma isumassarsiatialsalaasinnaavoq – aningaasaqarninni iliuseqarsinnaalernissamik pilersitsinissaq pillugu aningaasartuutitik pisariaqartinngisannik peqarpa imaluunniit aningaasartuutit ilai piffissap ilaani pinngitsoorsinnaavigit.

Illumik pisigaanni, realkreditimi taarsigassarsineq aamma aningaaserivimmi taarsigassarsineq nalinginnaasorujussuuvoq, tassani illu qularnaveequtigalugu.

Taarsigassarsiatit akilersinnaanngikkukkit, taarsigassarsisitsisullu isumaqatigiissuteqarfiginngikkukkit, akiitsutit akileeqqusissutit kingornatigut akiliisitsiniartarfimmut nassiunneqassapput. Ass. Tamanna isumaqarpoq, RKI-mi nalunaarsugaalissagavit, taarsigassarsisinnaajunnaarlutit imaluunniit kreditkortimik pissarsisinnaajunnaarlutit.

Nammineq illut pigigukku, ajornerpaappat taarsigassat akilerniarlugit pinngitsaaliissummik akitsorterneqarsinnaavoq. Pinngitsaaliissummik akitsorterussineq akiliisitsisarnermut eqqartuussivimmi pisarpoq, kikkullu tamarmik illu akigiumasap angissusaanik taasiffiginnaavaat. Akimik annerpaamik taasisup illu tigussavaa. Taarsigassarsisitsisup illu pinngitsaaliissummik akitsortigassanngortinnissaa piumappagu, tunisinermilu aki appasigiguniuk, akitsorterineq nutaaq ingerlanneqassasoq qinnutigisinnaavaa.

Illumut akiitsunnit akimik appasinnerusumik illu tunineqarpat, akiitsut sinneri sulii akilersussavatit. Pinngitsaaliilluni akitsorterussineq aqqut kingullerpaajusarpoq, illu nalinginnaasumik, nammineq tuniniaanermi akimit angusinnaasannik tunineqartarmat.

Taamaattumik isumassarsiatialsalaajuaannarpoq Grønlandsbankenip attaviginissaa, akiliisinnaanermi ajornartorsiuteqaruit, imaluunniit piffissami matumani akiitsutit akilersorsinnaanngikkukkit. Illit suleqatigalutit aningaasaqarnerit missingersuutitillu misissussavagut, periarfissaappallu, akilersuinissamut isumaqatigiissummik siunnersuuteqassaagut, piffissami akilersuiffissamik tulluurtumik, kiisalu aningaasaqarninnut tulluurtumik aallaaveqartumik.

Maj 2025.